

# 傳授八關齋戒正範

## 第一 請 師

凡有心欲受八戒者，齊集於大殿，排班對面站。由兩位出班為代表，恭請和尚，臨堂授戒。

引禮呼：「迎請和尚」，兩位代表者，執香隨引禮師對面問訊、向上問訊。隨引禮師出堂至和尚處，引禮師呼：「向上排班」「至誠頂禮和尚三拜」。和尚云：「一拜」答：「阿彌陀佛」起立。隨引禮師引磬聲「問訊」「分班」。至大殿，兩位代表者，執香立於大殿門內兩側，和尚至中間，鳴引磬禮佛三拜，問訊陞座。引禮師呼「上香」舉讚，眾求戒者和唱。

八 支 戒 體 受 持 夜 朝 關 閉 諸 惡

長 善 苗 心 淨 樂 器 器 佛 光 遙

昭 歸 禮 罪 蠲 消 南 無 香 雲 蓋 菩 薩

摩 訶 薩 南 無 香 雲 蓋 菩 薩 摩 訶 薩

薩 南 無 香 雲 蓋 菩 薩 摩 訶 薩 ○○○○○○○○○○

兩位代表者，至法座案前上香，轉下至中間三拜。唱讚畢，引禮師：「問訊」「復位」。兩位代表者問訊、復位已，引禮師呼：「諸善男子善女人等，一齊向上排班」「至誠頂禮和尚三拜」和尚云：「一拜」眾答：「阿彌陀佛」起立，引禮師呼：「問訊」「長跪」「合掌」。

夫戒海無涯，飲一滴而味同全水。智山普耀，登一步而光照通身。不藉標指，望洋必退。若逢良導，超徑可陞。今為汝等恭請 堂上，<sup>上</sup><sub>下</sub> 和尚，為汝等

作八戒本師。請師之語，汝合自陳，恐汝未能，我今教汝。稱自己名。各稱法名其餘言詞隨我所道：大德一心念我弟子<sup>某甲</sup>，今請大德，為八戒本師。願大德，為我作八戒本師。我依大德故，得受清淨戒。慈愍故。

請師之文，引禮師念一句，求戒者，隨後念一句，乃至三請。第三遍大慈愍故。每請一次，引禮師呼：「就禮一拜」「合掌」。

## 第二 開 導

和尚鳴尺云：

善男子善女人等，汝既殷勤懇請，可爾，為汝等作八戒本師。所有言語，聽我開導：夫戒者，如來利生之首務，賢聖修道之要階。三機等踐，七眾通收。或越三塗，而直趨人天；或超有漏，而竟登覺岸。五乘運載，戒為軸轄；萬善克備，戒為基本。汝等今於月初八日晨朝<sup>於六齋八王受戒，一一隨其所受之日改文</sup>躬詣我所，求受八戒

者，先當曉了八戒名體，次方與汝等一一受之。然此八戒，名曰八關齋。關者禁閉之義，謂禁閉八事不犯故。齋者齊義，以不非時食為齋體。八事助成清淨齋體故。由其八事齋體，共相支持，又名八支齋法。須知齋亦名戒，佛所制故。戒亦名齋，齊三業故。以身齊則無穢惡；口齊則無諸過；心齊則無煩惱諸漏業因。必須一日一夜秉志虔誠，內以六念淨其志意。謂一、念佛，慈悲導師；二、念法，三世佛母，三、念

僧，人天福田；四、念天，長壽安樂；五、念戒，清淨身心；六、念施，普濟貧窮。外以八支束其身口。謂一、不殺害；二、不偷盜；三、全斷婬欲，乃至第八離非時食。由是三業道清淨，誠為出世正因，解脫根本。汝等今者一一聞知己，果能如法稟受否？眾答能如法受持。

### 第三 請 聖

和尚鳴尺云：

善男子善女人等，汝今自言能如法受持者，理當先迎三寶，降法筵而證盟。次請萬靈，鎮壇場而護戒。稱自己名各稱法名隨我言音，作觀伸請。

引禮呼：「一齊起立」「合掌」。以下請聖之文，和尚舉腔，求戒者合唱：

香花迎 香花請 弟子各稱某甲法名 一心奉請

娑婆教主，本師釋迦牟尼佛。西方接引，阿彌陀佛。當來下生，彌勒尊佛。盡虛空，徧法界，一切諸佛。惟願，不違本誓，降臨法筵，證盟受戒。

如是三請三拜。引禮師呼「頂禮一拜」「合掌」下同此。

香花迎 香花請 弟子各稱法名 一心奉請

大小二乘，毘尼律藏。五篇三聚，解脫木叉。十二分經，權實教典。離欲真淨，甚深法寶。謹運一心，歸命頂禮。

香花迎 香花請 弟子各稱法名 一心奉請

觀音勢至，文殊普賢，清淨海眾，諸大菩薩。律藏會上，優婆離尊者。西天東土，歷代祖師。傳南山宗，諸大律師。中興律祖，慧雲馨公大和尚福慧堂上

某大和尚以上為得戒和尚之本上師和尚（得戒和尚）德號。

惟願不違本誓，降臨法筵，證盟受戒。

香花迎 香花請 弟子各稱法名 一心奉請

光明會上，寄位諸天。梵釋四王，天龍八部。伽藍土地，護戒神王。金剛力士，幽顯靈祇。惟願不違本誓，壇護法。

如是一一三請竟和尚仍就座而坐。引禮呼「頂禮一拜」「問訊」「長跪」「合掌」

## 第四 懺 悔

和尚鳴尺云

適間迎請三寶萬靈，證盟衛護。今則垂慈降臨，徧滿法座。先應悲懇攝受懺悔往愆。三業無染，方堪受戒。我今為汝等舉大經偈，汝等聽我之言音，心想經偈之義理。決誓改往修來，更勿再作諸惡。稱自己名各稱法名

以下偈文，和尚念一句，求戒者隨和一句。

往昔所造諸惡業 皆由無始貪瞋癡

從身語意之所生

今對佛前求懺悔

引禮呼「就禮一拜」「合掌」

一切罪障皆懺悔同右

一切罪根皆懺悔同右

## 第五 問遮難

善男子善女人等，汝等懺悔往業既竟，我依善生經，先問七種遮障已，方可為汝受戒。其中有無，不可覆藏，一一實答。稱自己名

各稱法名

第一、汝曾盜現前僧物否？  
若無當答無，若有當答有，下皆準此。

第二、汝曾於六親男女中行姪否？

第三、汝曾污破僧尼梵行否？

第四、汝曾於父有病時，捨去不顧否？

第五、汝曾於母有病時，捨去不顧否？

第六、汝曾於師長有病時，捨去不顧否？

第七、汝曾殺害發菩提心眾生否？

如是各問三次，每次問畢，引禮呼：「就禮一拜」「合掌」

## 第六 受三歸依

和尚鳴尺云：

善男子善女人等，汝等至誠懺悔竟，身心清淨，罪業消殄。我為汝等先受三歸，感發戒體。稱自己名

各稱某

甲法名 隨我語受：

我<sup>某甲</sup> 歸依佛，歸依法，歸依僧。一日一夜或云一年或云一月隨受隨改，為淨行優婆塞。

女改為優婆夷。如是三受，引禮呼：「就禮一拜」「合掌」和尚鳴尺云：

上來三歸，正是納體。更加三結，得法圓滿，謂之三番羯磨。汝隨我道：

我<sup>某甲</sup>歸依佛竟，歸依法竟，歸依僧竟。一日一夜如上隨受日改。為淨行優婆塞竟。

女同上改，如是三結。引禮呼：「就禮一拜」「合掌」。

## 第七 宣戒相

和尚鳴尺云：

我已為汝等秉宣三歸，汝等已得八戒體竟，再為汝等宣說八戒名相，令汝等識相，以護其體。汝等當徧緣法界，一切情非情境，發無上菩提心，於一一戒中，虔誠稟受。各稱法名。

稱法名已，和尚鳴尺云：

第一、不殺生戒。汝等一日一夜不殺生，能持否？答

能持

第二、不偷盜戒。汝等一日一夜不偷盜，能持否？答

能持

第三、不婬欲戒。汝等一日一夜不婬欲，能持否？答

能持

第四、不妄語戒。汝等一日一夜不妄語，能持否？答

能持

第五、不飲酒戒。汝等一日一夜不飲酒，能持否？答  
能持

第六、離花香瓔珞香油塗身戒。汝等一日一夜離花香  
瓔珞香油塗身，能持否？答 能持

第七、離高勝牀上坐，及作倡伎樂，故往觀聽戒。汝  
等一日一夜，離高勝牀上坐，及作倡伎樂，故  
往觀聽，能持否？答 能持

第八、離非時食戒。汝等一日一夜離非時食，能持否？  
答 能持

## 第八 發 願

戒和尚鳴尺云

汝等佛子：上來受戒已竟。一一了知受持。今依阿含  
經教汝發願。若受八戒不發願者。得少許功德。若能  
行願相資。方能成就福慧勝業。是故汝今對三寶前。  
至心合掌。發弘誓願。我今於觀無量壽佛經引證之。  
令汝信願不退。所願成就。

觀無量壽佛經云：中品中生者。若有眾生。若一日一  
夜持八戒齋。若一日一夜。持沙彌戒。若一日一夜。  
持具足戒。威儀無缺。以此功德。迴向願求生極樂國。  
戒香熏修。如此行者。命欲終時。見阿彌陀佛。與諸  
眷屬。放金色光。持七寶蓮華。至行者前。行者自聞

空中有聲。讚言善男子。如汝善人。隨順三世諸佛教法。故我來迎汝。行者自見坐蓮華上。蓮華即合。生於西方極樂世界。在寶池中。承佛大願力故得八功德水浴塵無垢，業識冰消。經於七日。蓮華乃敷。華既敷已。開目合掌。讚歎世尊。聞法歡喜。得須陀洹。經半劫已。成阿羅漢。是名中品中生者。如是汝等聞經證明已。應發歡喜心。至心發願。

我某甲至心發願。以此八關齋戒功德。不墮惡趣八難邊地。持此功德。攝取一切眾生之惡。所有功德惠施法界一切眾生。使成無上正等正覺。當願弟子。臨命終時。自知時至。正念分明。決定得生西方極樂世界。親見彌陀如來。安養不退。求無上慧。化諸有情。永斷生死。同生極樂。三遍

## 第九 勸囑回向

和尚鳴尺云

善男子善女人等，汝等今已受八戒，已發大願，其受持一日一夜，雖為甚易，然奉行一日一夜，實為甚難。不可於剎那頃，起世俗想，亦不可剎那頃，起懈怠心。當勤修六念，謹護八支業，煩惱習自然除滅，淳善本心，自然開朗，出世正因由之成就。文殊問經云：世間菩薩，八戒者是。處胎經云：八關齋戒者，諸佛父母也。薩婆多論云：若作閻浮提王，於閻浮提中，一切人民，金銀財寶，於中自在。雖有如是功德，以八齋功德，分作十六分，閻浮提王功德，十六分中，不



及一分。所謂最後清淨八戒齋也。汝今已得如是功德，當珍敬覆護，勿令毀損。婆沙論云：受八戒者，名曰近住，謂近阿羅漢住故。又名長養，謂長養善根，令其增多故。汝今已得近阿羅漢住，而能增長善根功德故，當生慶幸，如法奉行。汝等果能如法奉行否？答能如法奉行。

引禮呼：「一齊起立」「禮謝和尚三拜」「問訊」。和尚鳴尺云：

授戒功德圓滿，大眾同音，念佛回向。

引禮舉「南無本師釋迦牟尼佛」求戒者和唱，和尚下座，至中間，煞佛號。引禮師舉回向偈，大眾齊和。

授戒功德殊勝行

無邊勝福皆回向

普願沈溺諸有情

速往無量光佛剎

十方三世一切佛

諸尊菩薩摩訶薩

摩訶般若波羅蜜

唱畢，引禮呼：「恭送和尚回寮」和尚云：「免送」眾答：「阿彌陀佛」。和尚爲求戒者恭喜勉勵，皆答：「阿彌陀佛」。和尚離大殿，求戒者，禮謝引禮諸師，授戒儀式圓滿。